



Inatsisartut Suleriaasianni § 37 naapertorlugu Naalakkersuisunut apeqqut imaattoq saqqummiuppara:

- 1. Mitit ivaleqqaarneranni piffissami sivikitsumi mitit manniinik mannissartarnejq mitit navianartorsiortinneqalernerannik kinguneqarsinnaasoq Naalakkersuisut naliliippat?**
- 2. Mitit ivaleqqaarneranni piffissami sivikitsumi mitit manniinik mannissartarnejq timmissanik allanik akornusiisinnaasoq Naalakkersuisut naliliippat?**

(Inatsisartunut ilaasortaq Jens Napātôk', Partii Naleraq)

### **Tunngavilersuut:**

Maani nunatsinni ilaatigut mitit manniinik mannissartarnejq pisarpoq. Ukiuni kingullerni amerlasuuni – 1985-milli, immaqali suli sivisunerusumik – mitit manniinik mannissartarnejq inerteqqutaavoq. Taamaattoq 2004 tikillugu Ittoqqortoormiit Qaanaallu eqqaanni (juunip 25-at tikillugu) mitit manniinik mannissartarnejq akuerisaavoq.

Piniartutoqqat manninnik ivanerup aallartinnerani mitit manniinik mannissartarnejq, kingornalu ullunik eqqissisimatitsisarnejq mitit manninnik nutaanik mannilisarnerannik angumeqqussisarnera nalunngilaat. Taamaalilluni peqassuseq innarlernagu mannissartoqarsinnaasarpoq.

Ukiuni kingullerni arlalinni timmisaat mannilisut akornusersorneqarnissamut illersorneqarnissaannut periuseq malipparput, tamatumani ingammik timmiaqatigiinnut ikiliartortunut tunngatillugu.

Mitnut tunngatillugu amerlassusaasa annertuumik ikileriarnerat 2001-mi kingornalu amerlassusaasa annertuumik siuariarnerannut saatinneqarpoq, tamannalu mannissaqqusaannginnerup sakkukillisinneqarneranik nassataqanngilaq. Akerlianilli piniaqqusinnginnerit eqqissisimatitsinernut piniarsinnaanerillu killilerneqarnerannut tunngatillugu sakkukillisaavigineqarput.

Maanna peqassuseq mannissartarnerup inerteqqutigineqarneranut sakkukillisaasinnaanermut tunngavissinersoq paasissallugu soqutiginarippara.